

**EIGHTH LEGISLATIVE ASSEMBLY OF MIZORAM
(SEVENTH SESSION)**

LIST OF BUSINESS

FOR FIFTH SITTING ON MONDAY, THE 1st MARCH, 2021
(Time 10:30 A.M. to 1:00 P.M. and 2:00 P.M. to 4:00 P.M.)

PRESENTATION OF BUDGET

PU ZORAMTHANGA, Hon'ble Chief Minister to present to the House :-

- i) Supplementary Demand for Grants for the year 2020-2021.
- ii) The Annual Budget for the year 2021-2022 with allied papers.

H. LALRINAWMA
Commissioner & Secretary

.....

SPEAKER : *I kawng zawng zawngah amah hre reng la, I kawngte chu a kawhhmuh zel ang che.* *Thufingte 3:6*

Awle, kan Chief Minister zahawmtak Pu Zoramthanga'n 'Supplementary Demand for Grants for the year 2020-2021' leh 'The Annual Budget for the year 2021-2022 with allied papers' te hi house ah present turin ka sawm e.

PU ZORAMTHANGA, CHIEF MINISTER: Pu Speaker,

Vawiinah hian kum 2021-2022 Budget Estimates pharh tura ka lo ding thei hi ka lawm hle a ni.

1. Pu Speaker, khawvel pumpui, India ram pawh tiamin COVID-19 hripui lengin a chim buai mek lak ata talchhuak tura kan beih laiin he budget pharh tur hian kan han inbuatsaih a ni a. A hmasainhe COVID-19 hripui dona kawnga a ral hmatawnga mahni nunna thapa beitate chungah thinlung takin lawmthu ka sawi duh a. Anni bakah pawh mimal leh pawl hrang hrang, tha leh zung leh sum leh pai tam tak senga min thawhpuitute chungah ka lawm tak meuh bawka ni.

2. Nikuma 2020-21 Budget Estimate kan pharh lai khan, khawvel pumpui chu sawi loh, Mizoram pawhin hetiang sum leh paia tlak chhiatna hi kan tawk ang tih rin lawk ngaihna reng reng kan hre lo. Hetiang boruakin min lo nan tak avang hian sum leh pai enkawlna kawngah harsatna namen lo kan hmachhawn mek a. Hripui laka invenna dan kan siamte, inkhuahkhirhna chi hrang hrang leh hun rei tak chhung inkharkhip kan kalpui khan kan economic activity hrang hrang, sumdawna bungraw lut leh chhuak a nghawng bakah kan nitin nun nasa takin a sawi danglam a. Hei hian Sorkar laipui chhiah lak luh pawh a tihnam hle mai a, chu chuan kan State chanpual pawh nasa takin a nghawng nghal bawka, kum hmasa nena khaikhin pheih chuan kan dawn a kiam hle a ni.

3. Hun harsa tak kan hmachhawn a, hma lam hun thlir thiam pawh a harsa hle. Mamawh tul zual dah thiam a, chu mi puhruk theih ngawt pawh chu chona lian tham tak a tling a ni. He hripui leng hian sorkar sum pai a lak hek viau piah lamah sum hai luhna kawng a tibuai leh zel a, budget-a sum hmuhna tur kan ruahman lawk angte pawh kan hmu phak lo hle a ni. Hei hian State sorkar chu sum tam zawk pûk (borrowings) lo thei lovin a siam phah bawka.

4. He House zahawm takah hian han tarlan ka duh chu, Mizoram te ang State tenau hi chu Finance Commission recommendation-ah hian kan inngat thuk leh zual a. Finance Commission 15-na chuan kum nga chung 2021-2026 atan an report a thehlut tawh a, chumi zulzui chuan Union Budget pawh buatsaih a ni. Fifteenth Finance Commission hian tuna kan hman mek, chhiah tlingkhawm atanga 41 % chu State hrang hrang 28 te insem turin a la rawn recommend a. Heta tanga kan State chan ve tur (horizontal share) chu 0.500 % a ni

a. Hei hi 2020-21 atana kan chan Interim Report a lang 0.506 % ai chuan a tlem hret na a, Fourteenth Finance Commission-in min recommend sak 0.460 % ai chuan a la \ha hret zawk a ni. A taka state tinin kan chan theuh erawh chu sorkar laipui a chhiah luh tam danin a hril thin.

5. Hei bakah hian, Fourteenth Finance Commission hun laia State 11-te tana Post Devolution Revenue Deficit Grant a lo pe k thin chu 2019-20 ah khan State 7-ah pek a ni a. Fifteenth Finance Commission report khan nikum atan State 14-ah a pe a, kuminah hian Commission hian State 17-ah pek turin a rawn ruahman leh ta a. Amaherawhchu, he Commission period chhunga kan dawn tur hi a kum telin a tlem tial tial dawn a, kum hnuhnung lamah phei chuan a zuih ral lo chauh a ni. Chuvangin revenue hmuhna tur kawng thar dap a tulzia kan hre chho zel dawn a ni. Hetih lai vek hian kum 2021-2022 chhunga Urban Local Body Grant (ULB) leh Rural Local Body Grant (RLB) atana kan sum dawn tur pawh a tlahniam hret bawh. Heng sum kan hmuh tur atanga 40 % chu untied fund a niin local body ten an mamawh anga an hman tur a ni a; 60 % erawh tied fund a ni a, basic service atana hman tur a ni ang.

6. Hetiang harsatna kara thil lawmawm lam erawh chu State Disaster Risk Management Fund (SDRMF) atana min pek thin cheng vaibelchhe 47.00 erawh chu a ngaiin a la kal thei dawn a ni. Kei ni'n sawma pakhat a kan do let erawh a ngai thung ang.

7. Kan State Own Revenue kum 2019-20 a 6.52 % zeta pung pawh rei tak chhung economic activity a awm theih loh avangin kum 2020-21 ah hi chuan kum hmasa lam atanga teha a punna hi 1.62 % chauh a ni dawn a ni. State Sorkar chuan sum leh pai tam zawk thawh chhuah theihna kawng a dap zel dawn a ni.

8. Kan State Sorkar inrelbawl nana Sorkar laipuia kan inngah nasatzia leh, COVID-19 hripui leng atanga mahni intodelh a tulzia ngaihtuah hian, mahni inenkawl zo turin kan theihna zawng zawng tan kan lak a kawng thar dap zel a tul tak meuh a ni.

OVERVIEW OF THE STATE'S ECONOMY:

9. Pu Speaker, tunah hian kan State economy tlangpui t hlirna han tar lang ila. Economic indicator hman tlanglawn thenkhat Revenue Surplus leh Deficit te, Fiscal Deficit te, Debt Sustainability te hi Gross State Domestic Product (GSDP) a tanga teha kan dinhmun dik tak bihchian nan hmang ta ila.

10. Hripui leng kara kan sum hmuh lo tlak hniam mek laia kan hmanna lam lo sang chho si avang hian kum kal meka kan RE-a kan State Gross Fiscal Deficit chu kum tira estimate 1.66 % of GSDP atangin 6.87 % of GSDP-ah a chho a, kan Revenue Deficit pawh 2.52 % a ni. India ram puma kan sum khawn khawm (revenue collection) a lo tlak hniam tak vak avang khan Sorkar laipui a tanga kan sum hmuh tura kan beisei BE 2020-21 a tarlan vek tawh pawh cheng vaibelchhe 1,185.00 zetin kan dawng kim ta lo a, chu chu 29.86 % zet a

ni. Hei mai bakah hian Fifteenth Finance Commission-in an Interim Report-a Special Grant atana min recommend cheng vaibelchhe 546.00 lai pawh pek kan ni lo bawk. Heng avanga kan harsatnate hriain Sorkar laipui chuan kan GSDP atanga zaa pahnih (2 %) hu sum puk belh phalna (additional borrowing) minrawn pe a, hemi atanga zaa pakhat (1 %) chu mamawh dan azira pawh fan theih (untied) niin, zaa pakhat (1 %) dang chu hmanna tur ruahmansa (tied fund) a ni thung. Heng kan sum puk belh theihna hi kum khat chhunga kan sum puk theih chinbithliah (net borrowing ceiling) aia a san avangin, kan FRBM Act, 2006-in kan Fiscal Deficit chu 3 % aia sang lo tura a lo bituk chu kan FRBM Act pawh siam thain, kan Fiscal Deficit chu kum 2024-25ah 3 % a tla thla turin kan tidanglam tawh nghe nghe a ni. Hengte hi kan dinhmun a nih avang hian, kan Sorkarin kan sum hmanna lam theih tawpa tih hniam kan tum chungin, kum kal mek, 2020 -21 ah hi chuan Revenue Surplus pawh kan nei thei dawn lo a ni.

11. Kum 2021-22 chhunga kan GSDP (at current price) chu cheng vaibelchhe 37,974.55 ni tura chhut a ni a. Chu chu kum kal mek atanga teh chuan 19.97 % in a thang a ni. Hemi thanna hi kum kal mek GSDP (at current price) cheng vaibelchhe 31,653.99, 19.44 % thanna aini a tha hret a ni. Kum 2021-22 atana GSDP chhût nan hian kum 2017-18 actuals kha inngah nana hman a ni a, COVID-19 hri len hma a nih avangin a final figure chu a la danglam leh thei a ni. Kan GSDP hi pung viauin lang mahse, a punna siamtu ber Service sector hi Primary leh Industrial sector te aini a sang fal a, GSDP punna tha leh zual nei thei turin heng sector pathumte hi rual khai zawka kaltir dan kawng dap hi kan hmabak pawimawh tak a ni.

12. Harsatna tam tak kara thil lawmawm lam pakhat chu, kan State bil thawhchuah (Own Revenue) tura ruahman hi kan sum hmuh tur zawng zawng (Total Revenue Receipt) atanga 16.05 % ni tura chhût a ni a, hei hi GSDP atanga 4.14 % a ni.

13. Revenue hmuh belhna tur kawngte a zim hle nachungin, kum lo awm turah hian revenue surplus cheng vaibelchhe 579.42 neih kan tum dawn a ni.

14. Kum 2021-22 chhunga Gross Fiscal Deficit chu GSDP atanga 2.14 % ni tura chhût a ni a Primary Deficit chu 1.12 % anga chhût a ni.

15. Kan Sorkar leibat tling khawm chu kum tharah hian cheng vaibelchhe 10,491.20 ni tura chhut a ni a, chutichuan Debt/GSDP ratio chu 27.63 % a ni. Tun hnai kum nga chhung hian kan phurh zawh tawh tura leibat enkawlina (debt sustainability) kawngah hmakan sawn chho hle a, GSDP atanga teha kan leiba tlak hniam chhoh dan hetiang hi a ni: kum 2016-17 ah 41.09 %; 2017-18 ah 41.85 %; kum 2018-19 ah 32.89 %; kum 2019-20 ah 32.72 %; 2020-21(RE) ah 28.53 % leh 2021-22 (BE)-ah 27.63 % te a ni.

BUDGET ESTIMATES 2021-2022:

16. Pu Speaker, kan inkharkhip nghawng hrang hrang avang te, a hnu lama kan economy than dan tur hmuh lawk thiam a harsat avangtein kum thar atana Budget siam a harsa a, chuti chung chung chuan kan theih ang tawkin ruahmanna tha siam tumin kan inbuatsaih a ni.

I. RECEIPTS:**A. Revenue Receipts:**

17. Kan hriat fo tawh angin, State Sorkarin sum kan hmuhna hnarte (revenue receipts) chu State's Own Tax leh Non Tax Revenue te, Finance Commission rawtna zulzui a chhiah insem (tax devolution) te, Sorkar laipui atanga Grant leh Loan hrang hrang kan hmuh te hi an ni a. Kum 2021-22 chhunga Revenue Receipt atanga hmuh kan beisei zawng zawng chu cheng vaibelchhe 9,795.80 a ni.

18. State's Own Tax and Non-Tax Revenue: State's Own Tax atanga kan sum hmuh beisei zat chu cheng vaibelchhe 719.56 a ni a, chu chu kum kal mek 2020-21 (BE) atanga 8.75 % a pung a ni. Tin, Non-Tax Revenue atangin cheng vaibelchhe 852.26 hmuh kan beisei a, hei hian sorkarin P&E Department-a subsidy a chhûn tur cheng vaibelchhe 175.00 a huam a, hemi tel lo hian kum kal meka kan beisei cheng vaibelchhe 583.07 atanga a punna chu 16.15 % a ni. Tichuan State's Own Tax leh Own Non-Tax atang hian kum kal mek B.E. aia 26.27 % laia hmuh tam kan inbeisei a ni.

19. Tax Devolution:

Chhiah tling khawm a'anga state hrang hrangte insem tura Sorkar laipuiin 41 % a ruahman chu cheng vaibelchhe 6,65,562.74 a ni a, chu chu kum kal meka ruahman aiin 15.13 % in a tlahniam a ni. Hei hi India ramin kum kal meka a sum hmuh beisei a phak loh nasat zia (29.86 %) ngaihtuahin a tha zawk viauin a ngaih theih. Hemi atanga Mizoram-in kan chan ve tur chu cheng vaibelchhe 3,327.82 niin, kum kal meka min ruahman sak cheng vaibelchhe 3,967.96 ai chuan a hniam hle.

20. Grants-in-Aid:

Finance Commission 15-na recommendation angin Sorkar laipui hian a hnuiaia grant hrang hrangte hi minrawn pe a ni :

a. Post Devolution Revenue Deficit Grant:

Finance in min recommend angin Union Government chuan revenue expenditure lama kan inda ih Commission- lohna phuhru turin cheng vaibelchhe 1,790.00 chu kum 2021-22 atan minrawn pe dawn a, hei hi kum kal meka kan dawn tur (RE) aiin 25.88 % in a sang a ni. Amaherawhchu, Fifteenth Finance Commission period chhunga he Grant kan hmuh tur hi a kum telin a zui h ral chho fe dawn a, hemi hmachhawn tura inbuatsaih a pawimawh tak zet dawn a ni.

b. Local Body Grants:

Local Body Grant atan hian cheng vaibelchhe 103.00 hmuh beisei a ni a. Heta tanga cheng vaibelchhe 69.00 chu Rural Local Body Grant atana dah tur a ni a, Urban Local Body lamin cheng vaibelchhe 34.00 an chang ve thung ang. Local Body Grant hi kum kal meka kan hmuh tur ai chuan 25.36 % lain a tlem dawn a ni. Heng grant atanga 60 % chu tied fund niin RLB te tan tui intur lakna te, ruahtui dahkhawlana atan te, tui bawlhhlawh tihthianghlim lehna (recycling) atan te, inenkawl fai leh pawna inthiar awm lohna tura hmalakna atan te hman tur a ni a. ULB te pawhin he grant atanga 60 % hi bawlhhlawh leh thli sawngbawlana atan bakah tui intur lakna, ruahtui chhêk khawlana atan leh tui bawlhhlawh tihthianghlim lehna (recycling) atan tea hman tur a ni. Grants atanga zaa sawmli (40 %) chu Local Body te hian tul leh mamawh an tih angin an hmang thei dawn a ni. Heng grants hnuaiia kan sum hmuh te hi tih tur bituk kan hlenchhuah dan azirin la pungchho thei tur a ni bawk.

c. State Disaster Risk Management Fund (SDRMF):

SDRMF atana sum hmuh tura ruahman chu nikuma kan hmuh zat, cheng vaibelchhe 47.00 bawk a ni ang. Fifteenth Finance Commission hian heng sum a\anga 20 % chu chhiatna lo thleng tur atan lo invenna leh lo inruahman lawkna atan a ruahman a, a dang 80 % chu chhiatrupna tuartute chhawmdawlana leh siam\hatna atana hman turin a ruahman a ni.

21. Centrally Sponsored Schemes (CSS) and Externally Aided Projects (EAPs):

Centrally Sponsored Scheme (CSS) hrang hrang atanga sum hmuh tura kan beisei zat chu cheng vaibelchhe 2,433.52 a ni a. Tin, Externally Aided Project (EAP) atangin cheng vaibelchhe 136.87 kan beisei bawk a. Heng bakah hian NLCPR/NESIDS/NEC leh Scheduled Tribe Welfare Grants te, Central Road Fund atanga hmuh tura kan ruahman chu cheng vaibelchhe 385.77 a ni bawk.

B. Capital Receipts:

22. Capital Receipts chu, RBI, Multilateral Institutions leh ram chhunga Institution hrang hrang atanga Loan kan lak leh mipuite'n investment an siam te, State Sorkar hnathawk leh institution dang ten loan an lak an rulhna a\anga kan dawn te hi an ni.

23. Internal Debts:

Internal Debt (Loan hrang hrang) atanga sum hmuh tura kan ruahman chu cheng vaibelchhe 1,295.00 a ni a. Internal Debt chuan Institution hrang hrang heng – Market Loans (cheng vaibelchhe 1,000.00); National Bank for Agriculture and Rural Development (NABARD) (cheng vaibelchhe 170.00); National Cooperative Development Corporation (NCDC) (cheng vaibelchhe 10.00); Rural Electricity Corporation (REC) (cheng vaibelchhe 5.00) leh Power Financing Corporation (PFC) (cheng vaibelchhe 10.00) te a huam a ni.

24. Loans and Advances:

Externally Aided Projects (EAP) a\angin special scheme loan cheng vaibelchhe 30.52 hmuh theih kan beisei bawk.

25. Recovery of Loans and Advances:

Sorkar hnathawk, Cooperative Society etc atangin Loan leh Advance hrang hrang rullhna (recovery) a\angin cheng vaibelchhe 27.56 hmuh kan beisei.

26. Capital Receipt hnuaiia kum 2021-22 chhunga hmuh kan beisei zawng chu cheng vaibelchhe 1,353.08 a ni a, kum kal meka ruahmanna cheng vaibelchhe 930.04 aiin 45.49 % in a pung dawn a ni.

27. Tichuan, Revenue leh Capital head atanga hmuh tura kan ruahman zawng zawng chu cheng vaibelchhe 11,148.89 a ni a, kum kal mek Budget aiin cheng vaibelchhe 433.89 in a sang a ni.

II DISBURSEMENTS:**A. Revenue Expenditure:**

28. Kum 2021-22 atana kan Revenue Expenditure atana kan ruahman zawng zawng chu cheng vaibelchhe 9,216.39 niin hei hi kan Budget Estimate pumpui a\anga 82.67 % a ni.

29. Revenue Expenditure han tih hian a huam zau hle a. Heng sorkar hnathawk hlawh te, pension senso te, leiba rullhna te bakahsector lian hrang hrang education te, sports te, kawngpui enkawlna te, power leina te, tui supply-na te, buhfai leina te, district administration te, Secretariat enkawlna te, police te, jail enkawlna te bakah State-in hmasawwna ruhrel (infrastructure) a lo din leh siam tawhte enkawlna te a huam vek a ni. Tin, Centrally Sponsored Scheme hrang hrang hnuaiia staff-te hlawh pek thinna thenkhat chu Central Sorkar-in a rawn titawp a, chungte chu State Sorkar-in kan lo tumsak vek rih avangin Revenue Expenditure pawh hi a san phah hle bawh a ni.

30. Kan sum hmuh atanga sorkar-in loh theih loh a sum kan senna a pun belh rualin Central Sorkar lam atanga kan sum dawn a tla hniam thung si a, hemi avang hian State Sorkar chuan tun kum lo awm tur 2021-22 ah hi chuan COVID-19 hmaa kan sum hman leh hmalakna ang kha a \ul zual tak tak tih loh chu a kalpui thei rih dawn lo a ni.

B. Capital Expenditure:

31. Pu Speaker, Capital Expenditure atana sum ruahman zawng zawng chu cheng vaibelchhe 1,932.50 a ni a, chu chu Budget Estimate pumpui atanga 17.33 % a ni. Capital Expenditure hi a tlangpuiin mipui tana hmasawwna ruhrel dinna hrang hrang – land and building te, kawng siam leh lei dawh te, buh leh thlai chinna atana tui lakna te, infiamna atana hmuhhna siam leh bungraw lian tham leina atana hmante hi a huam a. Central Sorkar-in State hrang hrangte Share of Taxes leh Deficit Grants atana sum min pek tur hi a tlak hniam avangin, keini pawhin kan State puala kan sum hmuhna tur kawng kan dap chhuah zel hi a pawimawh tak meuh a ni.

32. Tichuan, kum 2021-22 atana Revenue leh Capital hnuiaia sum hman tura ruahman zawng zawng chu sum hmuh tur zawng zawng chhut chhuah zat chiah cheng vaibelchhe 11,148.89 a ni.

III. SECTORAL ALLOCATIONS:

A. General Services Sector:

33. He Sector hian Sorkar inrelbawlina thahrui – Legislature, General Administration leh District Administration te, Election te, Fiscal Services (Finance and Accounts, Taxation, Land Revenue, Excise, Transports, Goods & Services) leh Home te a huam a.

34. He Sector atana sum hman tur ruahman zawng zawng chu cheng vaibelchhe 3,917.10 (Revenue Section atan cheng vaibelchhe 2,987.10 leh Capital Section atan cheng vaibelchhe 930.00) a ni. Chu chu Budget pum pui atanga 35.13 % a ni.

B. Social Services Sector:

35. Social Services Sector atana sum ruahman chu cheng vaibelchhe 4,077.29 (Revenue portion cheng vaibelchhe 3,665.42 leh Capital portion cheng vaibelchhe 411.87) a ni. Hei hi Budget pum pui atanga 36.57 % a ni. Social Services Sector hian Education te, Health te, Water Supply leh Sanitation te, Local Administration leh District Council te, Social Welfare te a huam a ni.

C. Economic Services Sector:

36. Economic Services atana ruahman chu cheng vaibelchhe 2,821.44 (Revenue Section cheng vaibelchhe 2,745.87 leh Capital Section cheng vaibelchhe 75.57) a ni. Hei hi Budget pumpui atanga 25.31 % a ni.

37. Economic Services Sector hian Agriculture and allied Services te, Rural Development te, Irrigation leh Flood Control te, Industries leh Mineral lam te, Communication, Science & Technology, Environment leh Civil Supplies lam te a huam a ni.

IV. ALLOCATIONS ON PRIORITY SECTORS:

38. State Budget atangin cheng vaibelchhe 400.00 SEDP hnuiaia hna hrang hrang thawh nan ruahman a ni.

39. MNF Returnee te thum that nan cheng vaibelchhe 5.00 dah hran a ni bawk e.

40. Pu Speaker, kan MLA ten COVID-19 do nan an MLA Fund atangin sum thahnem tak Chief Minister's Relief Fund a an thawh kha a lawmawm tak zet tih ka sawi lang duh a. Kum thar atan MLA Local Area Development Fund atan cheng vaibelchhe 60.00 ruahman leh a ni e.

41. Co-operative Societies te hi ram eibar zawnga kawnga hmanraw pawimawh tak an ni a. Subsidy awma loan an lak theihthe tihpun zel nan kumin chhung hian hemi pualin cheng vaibelchhe 10.00 ruahman a ni.

42. Urban Local Body, Rural Local Body leh kan Autonomous District Council pathumte tana Grants-in-Aid chu kum kal lai mek zulzui a dah leh rih phawt a ni a, hei hi Second Mizoram State Finance Commission ruahmanna anga sum la pek tur a la ni dawn a ni. Second Mizoram State Finance Commission din tur hian hma lak mek a ni baw.

V. CHARGED AND VOTED EXPENDITURE:

43. Kum 2021-22 chhunga Expenditure Estimate (Gross Amount) chu cheng vaibelchhe 11,330.89 a ni a. Heta tang hian Deduct Recoveries (Food, Civil Supplies & Consumer Affairs Department leh Printing & Stationeries Department hnuaia buhfai leh Stationeries leina) kan paih hnua Net Expenditure Estimate chu cheng vaibelchhe 11,148.89 a ni a, hei hi Receipt Estimate nena inzath chhiah a ni. Gross Estimate atanga cheng vaibelchhe 964.57 chu Charged Expenditure a ni a, cheng vaibelchhe 10,366.32 chu Voted Expenditure niin he House zahawm takin a pawmpui atan ka rawn chhawp chhuak a ni.

VI. SUPPLEMENTARY DEMAND FOR GRANTS:

44. Pu Speaker, Supplementary Demand for Grants atan cheng vaibelchhe 3,058.08 hi Revised Estimate hnuaiah dah a ni a. Tin, kan Budget Estimate mai bakah, kum kal lai 2020-21 Budget Estimate piah lama State Sorkar-in policy leh programme tihhlawhtlin nana Department hrang hranga sum indaihlohna ka han pharh duh baw a.

Chung sum hmanna hrang hrangte chu – CSS, NEA, NLCPR/NESIDS leh CRF fund tlai khawhnua kan dawn cheng vaibelchhe 945.05 te, Externally Aided Project, NABARD, Special Central Assistance, Counter Part Funding (SMS) leh SEDP Fund pek chhuah cheng vaibelchhe 765.25 te leh State Fund atan cheng vaibelchhe 1,347.78 te an ni.

45. Tichuan kum 2020-21 Budget Estimate pawna allocation kan pek belh zawng zawng chu cheng vaibelchhe 3,058.08 a ni a. Hemi atanga cheng vaibelchhe 737.28 chu Charged Expenditure a ni a, cheng vaibelchhe 2,320.79 hi Voted Expenditure niin he House zahawm tak pawmpui turin ka rawn pharh a ni.

VII. ECONOMY MEASURES:

46. Pu Speaker, a hma lama ka han tarlan tak ang khan, COVID hrilengin kan sum leh pai dinhmun te, khawtlang nun te a nghawng na hle mai a, Central Sorkar a\anga kan sum dawn tur tihhniam lo ni baw nen, kan economy pawh rualkhai taka ngai awh leh tur chuan hun kan la mamawh viau dawnin a lang. Hetiang dinhmuna kan lo din takah hian, State Sorkar pawhin inrenchemna heng budget awm sa tihhniam te, a \ul viau a nih loh chuan post siam thar loh leh direct-a hna lak loh te, State Sorkar sum hmanga foreign zin, motor repair nan Annual Maintenance Contract System leh thil dang a kalpui mek te hi kan sum dinhmun

a that leh hma chuan a kalpui chhonzawm rih a ngai dawn a. Tin, Tax leh Non-Tax atanga kan sum hmuh tihpun dan kawng zawn chu tihmâkmawh a ni dawn a ni.

CONCLUSION:

47. Pu Speaker, tichuan i remtihain, kum 2021-22 chhunga Budget Estimate cheng vaibelchhe 10,366.32 (Cheng Vaibelchhe Singkhat Zathum Sawmruk Paruk leh Nuai Sawmthum Pahnih) chu he House zahawm taka sawiho leh pawmpui turin ka rawn pharh e.

48. Tin, kum 2020-21 chhunga Supplementary Demand for Grants cheng vaibelchhe 2,320.79 (Cheng Vaibelchhe Sanghnih Zathum Sawmhnhih leh Nuai Sawmsarih Pakua) chu he House zahawm takin min pawmpui atan ka rawn pharh bawk e.

Ka lawm e.

SPEAKER : Kan CM zahawm tak Finance changtuin a rawn pharh ta a. A copy kha han sem rawh u le.

‘Supplementary Demand for Grants for the year, 2020-2021’ leh ‘The Annual Budget for the year, 2021-2022 with Allied Papers’ chu kan Chief Minister zahawm tak Finance changtu ni bawk, Pu Zoramthanga’n a pharh ta a. Kan Dan 144 angin hei hi sawiho a ni ngai lo a, chuvangin Business dang kan la lo ang a.

Tin, ni danga la tih ngailoh, Member te’n ngun taka budget in lo zir theihna turin hun tha pek che u Business Advisory Committee-in a rel a. Chuvangin, naktuk hi sitting kan nei dawn lo a ni, Memberte budget inzirna hun atan.

Tichuan, 4th March-ah General Discussion kan nei ang a, kan hriat angin budget pharh atangin a karah Ni 2 a tla tur a ni a, chu chu kan Dan ding lai a ni. Tichuan, vawiina kan tih tur chu kan zo leh ta a. March, Ni 3, 2021 (Nilaini) chawhma zing dar 10:30-ah kan thukhawm leh dawn nia.

Sitting is adjourned. (11:11 AM)